

OSOBNJE INFORMACIJE

Mehtić Halil



📍 Mokušnice 9, Zenica (Bosna i Hercegovina)

☎ 032 402 919

✉ halilmehtic@hotmail.com

Spol Muško | Datum rođenja 25/08/1953 | Državljanstvo bosansko-hercegovačko

RADNO ISKUSTVO

Još kao student po izaslanju Vrhovnog islamskog starješinstva bivše Jugoslavije, tokom mjeseca ramazana i ljetnjih ferija, 1979. godine osnovao prvi Islamski kulturni centar u Frankfurtu na Majni u Njemačkoj.

Po završetku Medrese radio je kao imam, hatib i muallim u džematu Jemanlići, Medžlis IZ D. Vakuf, a po završetku ITF-a u Sultan Ahmedovoj džamiji u Zenici.

Uz imamsko-hatbski posao 1982.god. preuzima dužnost i vjersko-prosvjetnog referenta (glavni imam) pri Odboru (Medžlisu) IZ u Zenici.

Zbog zapaženih aktivnosti na vjerskom planu, u januaru 1986.god. biva uhapšen i osuđen na tri godine zatvora. Vrijeme provedeno u zatvoru (15 mjeseci) iskoristio je za učenje Kur'ana napamet, pa je tako jedini bosanskohercegovački hafiz koji je hifz naučio u zatvoru.

1990. god. izabran je za predsjednika Ilimije (vjerskih službenika) BiH. Tu dužnost, u dva mandata, obavljao je do 1997. godine. Za njegovog mandata, pored brojnih aktivnosti, Ilimija počinje sa izdavanjem islamske revije "Muallim" i prvog islamskog ilustriranog časopisa za djecu "Kevser" koji je štampan u tiražu od 50 000 primjeraka. Organizirano je nekoliko kampovanja za imame, a 1991. po prvi puta Ilimija je organizirala putovanje na hadždž za pedeset imama.

Od 1990. god. pa do agresije na BiH, bio je član Vrhovnog sabora IZ za bivšu SFRJ. Izbijanjem rata, priličuje se u sastav 1. zeničke brigade, a kasnije postaje jednim od osnivača 7. muslimanske brigade u kojoj je bio zamjenika emira.

1992.god. imenovan je za rukovodioca Ureda mešihata BiH za slobodnu teritoriju, sa sjedištem u Zenici. U tom period Ured mešihata postaje žila kucavica organiziranog vjerskog života u ratnim uslovima. Održavani su kontakti i sastanci sa imamima i medžlisima IZ, organiziran je vjerski život u redovima armije RBiH i vršeno je imenovanje vojnih imama. Iako u znatno reduciranim uslovima, organizirano je štampanje islamskih informativnih novina "Preporod". Imenovana je četveročlana komisija (Bilal Hasanović, Džemal Salispahić, Subhija Skenderović i Omer Štulanović) koja je imala zadatak ispitati realne mogućnosti za reaktiviranje rada medresa u Tuzli, Travniku, Mostaru i Visokom. Nakon pozitivnih izvještaja komisija je poslije uradila nastavne planove i programe nakon čega je otpočeo rad tih naših medresa.

U vremenu 1993-1997. god. izabran je za prvog zeničkog muftiju. U tom period Muftijstvo zeničko biva centrom vjerskih, edukativnih, humanitarnih, kulturnih i drugih općekorisnih aktivnosti. Oštampano je desetine hiljada knjiga sa različitim vjerskim sadržajem, a posebno je značajno istaknuti potpisivanje ugovora sa Visokim saudijskim komitetom o prevođenju Tefsira Ibn Kesira.

Sa dr. Nusretom Isanovićem 1993. osniva Islamsku pedagošku akademiju (sadašnji Islamski pedagoški fakultet) u Zenici, gdje je od početka uključen u nastavni proces. Bio je dekan u osnivanju. Njegov doprinos posebno se ogleda, prvih nekoliko godina, u iznalaženju materijalnih sredstava za nesmetano funkcioniranje te visokoškolske odgojno-obrazovne ustanove. Od 1998. godine pa sve do danas u stalnom je radnom odnosu na ovoj odgojno-obrazovnoj ustanovi.

Jedan je od osnivača Stranke demokratske akcije. Na prvim višestranačkim izborima 1990. godine bio je vjećnik u Općinskom vijeću Zenice, a u periodu 2000. – 2002. god. bio je poslanik u Predstavničkom domu Parlamentarne skupštine BiH, gdje je u sklopu skupštinskih aktivnosti radio i kao član Skupštinske grupe u najstarijoj svjetskoj organizaciji - Interparlamentarnoj uniji. U tom svojstvu bio je vođa be-ha delegacije na 107. zasjedanju te organizacije, koje se održavalo u martu 2001. godine u Marakešu (Maroko). Od 1999. godine predsjednik je nevladine organizacije za humanitarnu i edukativnu djelatnost, "Udruženje Selam", a od 2007. obavlja dužnost glavnog i odgovornog urednika, časopisa za naučnu, kulturnu i duhovnu afirmaciju, "Novi horizonti".

OBRAZOVANJE I OSPOSOBLJAVANJE

- Završio petogodišnju Gazi Husrev-begovu medresu 1975.god.
- Islamski teološki fakultet u Sarajevu 1981.
- Hifz položio 1988.
- Magistrirao je iz oblasti tefsira i kur'anskih znanosti, na Univerzitetu za islamske studije u Karačiju – Pakistan 1999.god. obradivši i naučno valorizirajući, rukopis Gazi Husrev-begove biblioteke: "Faslul-hitab fi tefsiri ummil-kitab", Temeljito kazivanje o temeljnoj suri Kur'ana. - Doktorirao 2007. na najstarijem islamskom univerzitetu Zejtuna u Tunisu na temi "Muhammed bin Muhammed el-Handži el-Bosnevi ve džuhuduhu fit-tefsir" Mehmed Handžić i njegov doprinos tefsirskoj znanosti, koju je odbranio s najvišom ocjenom (mušerref džidden).

OSOBNJE VJEŠTINE

Materinski jezik bosanski

Ostali jezici

	RAZUMIJEVANJE		GOVOR		PISANJE
	Slušanje	Čitanje	Govorna interakcija	Govorna produkcija	
arapski	C1	C2	B2	B2	C1
engleski	A2	A2	A2	A2	A1

Stupnjevi: A1/A2: Početnik - B1/B2: Samostalni korisnik - C1/C2 Iskusni korisnik
[Zajednički europski referentni okvir za jezike](#)

Komunikacijske vještine izražena sposobnost prilagodbe multikuturnom okruženju stečena tijekom rada u inozemstvu;

Organizacijske / rukovoditeljske vještine

- Dugogodišnje iskustvo na rukovodećim pozicijama:
- Osnivač Islamskog kulturnog centra 'Frankfurt na Majni' - Njemačka
 - Glavni imam Medžlisa Islamske zajednice Zenica
 - Rukovodilac Ureda Mešihata za slobodnu teritoriju BiH (1992-93.)
 - Dekan u osnivanju Islamske pedagoške akademije u Zenici
 - Muftija Zeničkog muftiluka
 - Predsjednik Ilmije BiH
 - Prodekan za nastavu
 - Predsjednik udruženja 'Selam' Zenica
 - Glavni i odgovorni urednik časopisa 'Novi horizonti'

Poslovne vještine dobro vladanje postupcima upravljanja kvalitetom

Računalne vještine dobro vladanje alatima Microsoft Office™ (Word™, Excel™ i PowerPoint™)

DODATNE INFORMACIJE

Prvi je Bošnjak koji je 2001.god. u izdanju studia "Sebil" snimio cijeli Kur'an na audio kasete i CD.

Njegovo učenje je postavljeno na web.str. "Hedjul-islam" gdje je svrstan među 5 istaknutih učača iz raznih dijelova svijeta.

- Kao student Islamskog teološkog fakulteta, u aprilu 1979.god. učestvovao je na Prvom svjetskom takmičenju učača Kur'ana, u Mekki.
- U dva navrata, 2000. i 2010.god. bio je član ocjenjivačke komisije na Evropskom takmičenju učača Kur'ana u Zagrebu.
- Konferencija na temu Perspektive i mogućnosti integriranja muslimana u zemljama EU, Luxsemburg, 2007.
- Naučni simpozij na temu: Envisioning Future in the Balkans: Culture, Politics, Organization and Areas of Cooperation, (Perspektive Balkana na kulturnom, političkom i organizacionom planu i mogućnosti saradnje, Istambulu, 2008.)
- Znanstveno stručna konferencija s međunarodnim učešćem "Sistem preveniranja socijalnog isključivanja mladih" Zenica, 2010.
- Internacionalni festival novinarstva, Teheran, 2011.
- Okrugli sto na temu: Djelovanje muslimanskih manjina u neislamskim sredinama, Kamplinfurtu – Njemačka, 2011

Objavio je desetine originalnih radova i prijevoda sa arapskog u glasilima islamske zajednice: Takvim, Glasnik, Preporod, Islamska misao, Zemzem, Anali GH biblioteke, Muallim, Kevser, Muhadžir, Nur i Novi horizonti. U zborniku radova IPF-a objavio je nekoliko naučnih i stručnih radova iz oblasti tefsira i kur'anskih znanosti. Do sada je objavio sedam knjiga. Autor je brojnih recenzija i prikaza knjiga.

Nagrade

Dobitnik je nekoliko važnih priznanja kao što su: Plaketa Trećeg korpusa, Plaketa Ratne oficirske škole sa zlatnim slovom "A", Ratna plaketa Generalštaba Armije BiH, Nagrada Muftiluka zeničkog "Muhamed Seid Serdarević", Priznanje Islamskog pedagoškog fakulteta i Priznanje Univerziteta – Zenici.